

四庫全書

子部

欽定四庫全書

子部

六藝之一錄卷四十二

詳校官中書臣陸 湘

貢外郎_臣牛稔文覆勘

總校官檢討_臣何思鈞

校對官中書_臣陸 湘

謄錄監生_臣徐 瑤

欽定四庫全書

六藝之一錄卷四十二

錢唐倪濤撰

石刻文字十八

冀州刺史王純碑

君諱純字伯敦魏郡太守之子其先出自

闕

後也厥祖儒宗

闕

春秋君天資才敏行不啓而達學

不勞而能遵父業術

闕

始仕事君立朝正色

闕

恂智宣慈惠和以襄州從事永和二年察孝廉除郎謁

者執法撻牘舊筆憲臺亶過發無任見徒掌錄遣之或

有罪過微刑輕笏深君

闕

坐行惡蠲疑閔其粥糜凍

餒之患勅大司農徹易衣衣慙隱

闕

至恩加窮民其三

年有九夷之難出將征西君請詔襄豫督趣軍糧其所

過歷彈正

闕

赫馨烈宣于方國拜守官令以父司

赫還謁者官遷左都侯喪父服除復拜郎敬比

闕

失妹寧歸遂釋印紱司空辟舉高第選侍御史出使揚

州聖朝嘉君旋拜徐州添化甘棠

闕

過宥罪政尚寬弘

視事二載換左冀州西征東怨紀歌遺風以公事去官

窮則樂善達則

闕

人進則延賓分祿邊則却掃閉門年

五十九延熹四年八月廿八日甲寅不

闕

隕沮五年十

一月十八日丙申葬存有令跡亡述存勲銘載金石永

世不刊其頌曰

負矣王君有虞之胄封陳興齊枝葉繁茂君綜典謨無

道不究從政履規左公竭謀登翼

闕

臺文武兼備發政

舉刑親恤

闕

將西征

闕

命使

闕

善紬不聖朝嘉興

牧徐宰冀

闕

邊則

闕

澹

闕

不

闕

朽平永年

壽縉紳凡百孰不哀思

右漢故冀州刺史王君之碑篆額王君名純在朝歷

郎謁者左都候侍御史出刺徐冀二州以威宗延熹

四年卒其文有不可讀者頌辭某將西征之上少一

字水經云須句西有冀州刺史王紛碑中平四年立

年與名皆誤也趙氏云碑陰有東平馮定伯凡百餘

人可識其題義士云各發聖心共出義錢予未之見

也碑在鄆州中都縣

隸釋

裴即充字痕即裴字

全上

濟水西有安民亭亭北對安民山山西有冀州刺史

王紛碑漢中平四年立

水經注

右冀州刺史王純碑延熹四年立桑欽水經云濟水
逕須句城西酈道元注濟水西有安民山山西有漢
冀州刺史王紛碑漢中平四年立按地里書須胸即
今中都縣此碑在中都又其官與姓氏皆合疑其是

也然以純為紛以延熹為中平則疑水經之誤

金石錄

冀州刺史王純碑八分書延熹四年十二月拓本

金石

文字記

王純碑陰

右王純碑陰其前題門人姓名自東平馮定伯而下
文字完好可識者九十餘人磨滅不可識者又九十
餘人字畫淳勁可喜其後題義士名云各發聖心共
出義錢埤碑石直刊紀姓名埤當讀為裨助之裨漢

時墓碑多其門生故吏所立往往各紀姓名于碑陰
咸載所出錢數其非門生故吏而出錢者謂之義士
今漢人為王君出錢造碑而云各發聖心可謂陋矣

金石錄

成舉令任伯嗣碑

右成舉令任伯嗣碑其首已殘闕其可見者云字伯
嗣南郡編人也其先蓋任座之苗裔又云舉孝廉除
郎中蜀郡府丞江州令以服去官為筑陽侯相延熹

五年遷來臨縣其後歷叙政績又云遷居桂陽最後
云都邑謠詠甄勛績永昭于後碑在今汜水縣汜
水在漢為成臯此碑蓋成臯令德政頌爾後漢書桓
帝紀延熹八年有桂陽太守任胤以此碑校之歲月
相符又名與字協知其名胤也

金石錄

任伯嗣碑陰

右任伯嗣碑陰大觀初獲此碑實于汜水輦運司廨
舍壁間余聞其陰有字因托人諷邑官破壁出之遂

得此本蓋漢碑有陰者十七八世多弃而不錄耳

金石

錄

延熹五年有碑陰未詳

金石略

泰山都尉孔宙碑

有漢泰山都尉孔君之銘

君諱宙字季將孔子十九世之孫也天姿醇淑齊聖達
道少習家訓治嚴氏春秋緡熙之業既就而閨闔之行
允恭德音孔昭遂舉孝廉除郎中都昌長祗傳五教尊

賢養老躬忠恕飢及人兼禹湯之臯已故能興朴

闕

彫幣濟弘功於易簡三載考績遷元城令是時東嶽黔

首猾憂不

闕

祠兵遺畔未寧乃擢君無弋

戎字

飢吏

猶之旬月之間莫不解甲服罪

闕

樛田暖喜于農

圃商旅交乎險路會鹿鳴於樂崩復長易於酬酢

闕

稔會遭萬病告困致休得從所好季六十一延熹六年

正月乙未

闕

疾貴速朽之反真幕寧儉之遺剗宅

夕平華明器不設凡百仰高

闕

述於是故吏門人

乃共眇名山采嘉石勒銘永後俾有繇式其辭曰

於顯哉君懿德惟光紹聖佐儒身立名彰貢登圭室閣

闕是虔夙夜

闕

左公明明乃綏二縣勑儀飢康於元

時靡擯茲岱方勛彼凶人覆俾

闕

南敵孔饁山有夷

行豐季多乘稱彼光觥帝賴其勲民斯是皇疾

闕

乃委其榮忠告愍勤屢省乃聽恭儉自終璽蓋不隙生

播高譽殲欲令名永去

矢

不刊啻載揚聲延熹七季七

月戊闕造

右漢泰山都尉孔君之碑篆額孔君名宙即融之父也歷郎中都昌長元城令泰山都尉威宗延熹六年正月卒碑以次年七月立宙有七子曰謙曰褒皆見於碑誌凡漢刊其首行即入詞無額者或題其前如張納樊宏之比亦甚少已篆其上復標其端惟此碑爾釋左傳者以窀穸為厚夜此云窀夕非借也

釋諫

碑以幣為弊耨為耨意為億既即以字夏即夏字刪即則字乘即忝字光即兕字璽即簠字蓋即簋

字敞即陳字

全上

右漢泰山都尉孔君碑云君諱宙字季將孔子十九世之孫也年六十一延熹四年正月乙未以疾卒其序官闕甚簡又或殘滅不完但見其舉孝廉為郎遷元城令遂為泰山都尉爾其辭有云躬忠恕以及人兼禹湯之罪已宙人臣而引禹湯以為比在今人於文為不類蓋漢世近古簡質猶如此也

集古錄

隸書不著書撰人名氏孔君名宙字季將孔子十九

世孫後漢桓帝時為泰山都尉以疾致仕碑以延熹

七年立

集古
目錄

右泰山都尉孔宙碑孔北海父也見後漢書融列傳

又據桓帝紀泰山都尉元壽元年置延熹八年罷宙

以延熹四年卒蓋卒後四年官遂廢矣

金石錄

漢泰山都尉孔宙碑延熹四年書其序舉孝廉歷元

城令泰山都尉此其所居官也曰躬忠恕以及人兼

禹湯之罪已昔人謂漢世近古猶簡質如此以禹湯

用之泰山都尉亦自不類謂罪已尤不得施於此也
且宙之善不過嘗引過自居不以予人然便為臯已
亦於書何取漢世文物至東京衰陋已如此嘗怪三
代文字之盛其見於鐘鼎簡冊不入詩書尚多有之
渾厚尊嚴如冠劍大人黼黻以朝坐清廟而走羣后
使人仰俛有愧後之人拘迫自囚如餓隸饑虜右左
望畏而愁歎喑鳴之氣鄉人悲咤又如宦豎宮妾寒
古文諱忌之甚則俳諧如庸倡笑侮求說一時故皆
審字

不得逞夫熊牟射虎氣已貫金石矣其放矢復沓則
意已避石故不能中也文章以氣為主君子養氣配
道與義死生威武不得移之故其言深純渾厚放乎
江海之津者使人望洋鄉若不得其涯涘也彼其冒
低首求售顧一切忌諱牽攀自拘遑遑然求合而不
得也詩稱文王克昌厥後其在武王明發不寐其在
書則曰無若商王受古人於文無忌如此其氣固已
蓋天下矣宜見者聳動吁可畏而歎也余讀屈原書

以朕自況周秦六國間凡人相與言皆自臣也秦漢以後禁忌稍嚴文氣日益凋喪然猶未若後世之纖悉周細求人功罪於此也昔左氏書子皮即位叔向言罕樂得其國葉公作顧命楚漢之際為世本者用之潘岳奉其母稱萬壽以獻觴張永謂其父樞大行屈道孫盛謂父登遐蕭惠開對劉成甚如慈旨竟陵語顧憲之曰非君無以聞此德音鮑照於始興王則謂不足宣贊聖旨晉武詔山濤曰若居諒闇情在難

奪夫顧命大行慈旨諒闇德音後世人臣不得用之
其以朕自況與稱臣對客自漢已絕於此況後世多
忌而得用耶顏之推曰古之文宏才逸氣體度風格
去今人實遠但綴緝䟽朴未為密綴耳今世音律諧
靡章句對偶避諱精詳賢於往昔之推當北齊時已
避忌如此其謂綴緝䟽朴此正古人奇處方且以避
諱精詳為工音律對偶為麗不知文章至此衰敝已
極尚將俵俵求名人之遺蹟耶吾知溺于世俗之好

者此皆沈約徒隸之習也

廣川書跋

右漢泰山都尉孔宙碑宙孔子十九世孫而融之父也其事實不見史傳然碑稱其齊聖達道德音孔昭又稱其治泰山旬月之間民皆解甲服罪可謂無愧聖人之後者碑在曲阜延熹七年立通志金石畧嘗載其目云未詳所在復載泰山太守孔宙碑云在兗州立於延熹六年是漢有兩孔宙而碑復有二何其

繆哉

金雞
州鄉

漢都尉孔宙碑宙融父也卒以延熹四年又後四年而都尉廢廢三年而長子褒坐融匿張儉抵罪時融年十六宙卒時僅九歲碑不載宙子名余故附記於後碑陰有廣宗捕巡等今皆失之其書與文雖非至者要不失東京本色也

兗州山人稿

宙融之父孔子十九代孫也卒以延熹六年碑造于七年而趙明誠歐陽永叔王元美皆曰四年宙字季將隸書易辨而永叔集一作秀持皆不知何據鄭漁

仲金石略又載兩孔宙碑尤謬余借得東肇商本又得二紙于王戶部堯年趙郡丞可行大都殘闕都玄敬所錄者猶精彩動人元美乃謂文與書皆非至者

何也

石墨
鵝華

漢碑額下即直書其人無復書者此碑既篆額題曰有漢泰山都尉孔君之碑而額下首行又書曰有漢都尉泰山孔君之銘碑陰又有篆書門生故吏名五字故與諸碑迥異淵泉收漢刻極富必有以訂之已

記
玄牘

漢泰山都尉孔宙融父也史作佻趙明誠歐陽永叔
王元美皆謂卒以延熹四年元美謂又四年都尉廢
三年長子褒坐融匿張儉抵罪時融年十六宙卒時
僅九歲按建寧二年張儉舉奏侯覽誣儉鉤黨刊章
討捕時融年十七非十六也又按碑宙以延熹六年
正月乙未卒甚明三公皆史家張杜謂四年何也又
按融建安十三年卒年五十六則是永興元年癸巳

生至延熹六年癸卯融正十一歲非九歲也夫以文
舉望繫漢鼎橫道瞞賊毒荼海內痛盡其卒年史不
應浪書至云融年十三喪父史亦矛盾當以卒年及
碑為正其書尚存分法且結體古逸殊不易造元美
少之是胸中為曹氏諸碑所據漢魏咫尺便墮千里
文亦典則獨怪文舉十歲謁元禮令聞蔚起而碑詞
不載古人真朴乃爾在後世不知何如譽借也

金石
史

泰山都尉孔宙碑并陰八分書延熹七年二月今在

曲阜縣廟中按後漢書孔融父佺泰山都尉非也當
依碑作宙其名佺者別是一人董卓傳以陳留孔佺
為豫州刺史符融傳薦達郡士范冉韓卓孔佺等三
人三國志魏武帝紀注引英雄記佺字公緒九州春
秋作胄乃獻帝時人佺事略見許靖傳此泰山都尉
乃融之父耳又韓勅碑陰出錢數郎中魯孔宙季將

千

金石文
字記

孔宙碑陰

門生故吏名

門生鉅鹿癭陶張雲字子平門生鉅鹿癭陶趙正字元
正門生鉅鹿廣宗捕巡字升臺門生東平寧陽韋勲字
彛昌門生魏郡館陶張上字仲舉門生魏郡館陶王時
字子表門生魏郡陰安張典字少高門生魏郡魏孟忠
字待政門生魏郡魏李鎮字世君門生魏郡館陶吳讓
字子敬門生魏郡館陶支儉字元節門生魏郡館陶韋
瑱字仲睢門生魏郡鄴暴香字伯子門生東郡東武陽

梁淵字元祖門生東郡衛國趙恭字和平門生東郡東武陽張表字公方門生東郡東武陽滕穆字奉德門生東郡樂平素演字仲厚門生東郡樂平靳京字君賢門生東郡樂平梁布字叔光門生東郡樂平素顯字伯異門生陳留平丘司馬規字伯昌門生安平下博張祺字村松門生安平下博張朝字公房門生安平下博蘓觀字伯臺門生安平堂陽張琦字子異門生北海安丘齊納字榮謀門生北海都昌呂升字山甫門生北海劇秦

麟字伯麟門生北海劇如廬浮字遺伯門生北海劇薛
顥字勝輔門生北海劇高冰字季超門生濟南梁鄆趙
震字紆政門生濟南梁鄆徐璜字彜文門生濟南東平
陵吳進字升臺門生甘陵廣川李韶字元章門生甘陵
貝丘賀曜字升進門生魏郡清淵許祺字升明門生魏
郡館陶史崇字少賢門生魏郡館陶孫忠字府文門生
東郡樂平盧精字子節門生任城任口口字景漢門童
安平下博張忠字公直故吏北海都昌逢祈字伯憲故

吏北海都昌雍章字文理故吏北海都昌魏稱字文長
故吏北海都昌呂規字元規故吏泰山費魚淵字漢長
故吏北海都昌樓觀字世光故吏泰山南城禹規字世
舉故吏泰山南武陽蕭誨字伯謀故民泰山費淳字黨
字季口弟子北海處陸暹字孟輔弟子陳留襄邑樂禹
字宣舉弟子下邳下邳朱班字宣弟子東平寧陽周順
字承口弟子沛國小沛周升字仲甫弟子魯國文陽陳
衰字聖博弟子汝南平輿謝洋字子讓弟子山陽瑕丘

丁瑤字實堅弟子魯國戴璋字元珪弟子魯國卞王政
字漢方 麟即麟字襄即襄字邾邾即邾字

右門生故吏名孔宙碑陰也漢碑多有陰然稀少有
額獨此刻以五大篆表其上凡門生四十二人門童
一人弟子十人故吏八人故民一人都昌者四泰山
者五漢儒開門受徒著錄有盈萬人者其親受業則
曰弟子以久次相傳授則曰門生未冠則曰門童摠
而稱之亦曰門生舊所治官府其掾屬則曰故吏占

籍者則曰故民非吏非民則曰處士素非所涖則曰
義士義民亦有稱議民賤民者逢盛碑有姓殪者二
人趙氏謂氏族書無殪姓此碑有都昌殪章則古來
自有此姓但譜者考之不詳爾漢人雖姓氏亦借用
字如伍為五歐陽為歐羊之類或是借殪為解亦不

可知也

釋隸

漢孔宙碑陰題名百人其親受業者為弟子轉相傳
授者為門生今宙碑殘闕其姓名邑里僅可見者纔

六十二人其稱弟子者十人門生者四十三人故吏者八人故民者一人宙孔子十九世孫為太山都尉

自有錄

集古錄

右孔宙碑陰門生有鉅鹿廣宗捕廵字升臺按氏族書如姓苑姓纂皆無捕姓獨見于此碑

爾金石錄

右孔宙碑陰不云碑陰而曰門生故吏名此漢碑中之僅見者前碑云故吏門人陟山采石勒銘示後則此所載皆其人也今按宙門生四十二人門童一人

弟子十人故吏八人故民一人隸釋謂漢儒開門授徒親受業者則曰弟子次相傳授則曰門生未冠則曰門童總而稱之亦曰門生舊所治官府其掾屬則曰故吏占籍者則曰故民非吏非民則曰處士素非所蒞則曰義士義民此皆讀漢碑之所當知者而隸釋人間少傳故著之

金薤琳瑯

又有宙碑陰門生故吏名余未得見據金石錄云有捕巡字升臺捕姓姓苑不載而其稱謂有門生門童

弟子故吏故民之不同洪丞相适謂親受業曰弟子相傳授曰門生未冠曰門童掾屬曰故吏占籍曰故

民因是異聞附著之

石墨
錫華

孔宙碑陰載門生故吏等名楊用修金石古文謂四十二人而余收自張雲至王政反六十二人何也漢碑陰字多潦倒此獨超逸古雅非魏人可及弇州謂今皆失之當由偶未收得碑陰實未嘗失也

金石
史

王弘撰曰漢碑陰無額獨此有篆門生故吏名五大

字書法視前碑微異當別是一手

金石文字記

孔德讓碑

孔謙字德讓者宣成公廿世孫都尉君之子也秀體蘭石自然之姿長膺清妙孝友之行禮述家業脩容秋經升堂講誦浚究聖哲弱冠而仕歷勰諸曹史季廿四永興二年七月遭疾不祿

右孔謙碣其名不甚可辨考孔氏譜得之所謂都尉君者太山都尉宙也孔融別傳云宙有七子融之次

第六載於譜錄者惟有譙褒融三人褒之名見史晨

碑

釋隸

右漢孔德讓碑蓋其名已磨滅但云字德讓者宣尼
公二十世孫都尉君之子也仕歷郡諸曹史年二十
永興二年七月遭疾不祿碑在兗州孔子墓林中永
興孝桓帝年號也都尉者宙也其人早卒無事蹟可
考余集錄所藏孔林中漢碑最後得此遂無遺者蓋
以其文字簡少無事實故世人遺而不取獨余家有

之也

集古錄

漢隸不著書撰人名氏孔君名缺德讓其字也孔子

二十世孫任至郡諸曹史碑以永興中立在孔氏墓

林中

集古錄

孔謙碣永興二年立在兗州集古錄金石錄作孔德

讓碑

漢隸字原

孔君碑

即博陵太守孔彪碑

右漢孔君碑其名字磨滅不可得而見而世次官闕

龔可考云孔子十九代孫潁川君之元子也舉孝廉
除郎中博昌長遭太守君憂服竟拜尚書侍郎治書
御史博陵太守遷下邳相河東太守建寧四年十月
卒其餘文字歷歷可讀以其斷絕處多文理難續故
不復盡錄然其終始略可見矣惟其名字皆亡為可

惜也

集古
錄

右隸書不著書撰人名氏孔君名缺不可識其字曰
元上孔子十九世孫官至河東太守碑以建寧四年

故吏王沛等立在兗州

集古目錄

河東太守孔雄碑建寧四年立兗州

金石略

博陵太守孔彪碑

集古錄作孔君碑見上

君諱彪字元上孔子十九世之孫潁川君之元子也君少履天姿自然之正師禮衣爽好惡不愆考喪度喪脩身踐言龍德而學不至於敵浮游塵埃之外瞬焉汜而不俗郡將嘉其所履前後聘召蓋不得已乃翻爾束帶弘論窮理直道事人仁必有勇可以託六授命如毛諾

則不宿美之至也莫不歸服舉孝廉除郎中傳昌長疾

病坐宿

闕

遷

闕

京府丞未出京師遭大君憂泣踰臯魚

喪過乎哀謹畏舊章服竟還署試拜尚書侍郎無偏無

黨遵玉之素蘄可黜否出

闕

度日恪位佇听左祖肅

拜治書御史詹皇陶之廉恕

闕

恭之

闕

律

祇用既平

闕

博一太守郡阻山

闕

以饒饒斯多草

竊罔衣

闕

賊劉寧張丙等白日攻剽坐家不命君下車

之初

闕

五教以博

闕

削四凶以勝殘乃

闕

爰尚桓

桓拊馬蠹害醜類已殫路不拾遺斯民以安發號施憲

每合

闕

天心

闕

之所惡不以強人義之所欲不以

闕

姓樂政而歸于德望如父母順如流水遷下邳相河東

太守舉此

闕

君子風也未怒而懼不令而從雲行

雨施

闕

大和海內公卿之任矣勞而不伐有實若虛

固執謙需以病辭官去位

闕

以孝竭

闕

餘暇渥德彈

琴擊磬

闕

之味而不改其靜上帝棐諶天秩未究將

據師輔之紀

闕

綱

闕

疾彌流乃碩乃

闕

卅九逮寧四

年七月辛未

闕

哀哉魂神超邁芳兮冥冥遺孤切

絕于嗟想形

闕

哀遠念不欲生羣臣號咷靡所復逞

夫逝往不可追兮功

闕

識惟君之軌迹兮如列宿

之錯置易建八卦揆各數辭述而不作彭祖賦詩皆讚

所見于時頌

闕

是

闕

吏崔

闕

王沛等伏信好古

敢詠顯

闕

乃刊斯石欽銘洪基昭示後昆申錫鑒思其

辭曰

穆穆武君大聖之胄惇懿允元畝其玄秀惟鬱降精誕

生忠良奉應郡貢亮彼我闕克明王道辯物居方周闕

也匹名朝無秕政直哉惟清出統華夏化以英

成猾殄逆賢倚闕庭帝重乃勛自闕征所臨如神

闕之翰先民是程宜乎三事金鉉利貞而潔

白駒俾世嬾嬾當享眉耆莫匪爾極大闕邈矣衣

意于嗟悲兮闕息澤澤庶幾復焉所力咨乎不朽

沒而德存伊尹之休格于皇天惟我君績表于丹青永

永無沂與日月并于嗟闕于以慰靈

右漢故博陵太守孔府君碑篆額孔君名彪歷郎中

博昌長京府丞

京上
嗣字

尚書侍郎治書御史博陵守下

邳相河東守以靈帝建寧四月卒趙氏云孔君自博

陵再遷河東而碑額題博陵莫曉其何謂予觀漢人

題碑固有前官如馮緄魯峻者俱自有說此碑陰有

故吏十三人皆博陵之人也蓋其函甘棠之惠痛夏

屋之傾相與刊立碑表故以本郡題其首也此碑作

文多用經傳語考中度衷周調有之可以託六歇後

甚矣史漢書宿留讀皆去聲郭林宗齋刺就謁侯覽
請其留宿與此疾病留宿同

碑以各為文沂為涯濠即薦字旁即寂字美即美

字拊即拯字蠲即蠲字穀即繫字潏即漫字徧大

奚切徧與而切

全上

右博陵太守孔彪碑歐陽公集古錄云孔君碑者其
名字磨滅不可見而世次官閥粗可考云孔子十九
代孫潁川君之元子也舉孝廉除郎中博昌長拜尚

書侍郎治書侍御史博陵太守遷下邳相河東太守
建寧四年十月卒其終始略可見惟其名字皆亡為
可惜也今此碑雖殘缺而名字尚完可識云君諱彪
字元上又韓府君孔子廟碑陰載當時出錢人名亦
有尚書侍郎孔彪元上與此書正同惟孔君自博陵
再遷為河東太守而碑額題故博陵太守孔府君碑
漢人多如此然莫曉其何謂也

金石錄

右漢博陵太守孔彪碑彪孔子十九世孫與孔宙蓋

弟兄行嘗為尚書侍郎治書御史可謂顯矣闕里志
世表宗譜皆不見其名字而碑文類此亦不載向微
搨本之存則後世不復知有彪矣

金莊
琳卿

孔彪碑雖剥落已甚然字有挑法是漢人中出色者
古文只以古語聯書之觀此篇數十句多有韻可讀
亦一種奇文嘉靖甲寅四月十二日記

主讀
記

博陵太守孔彪碑并陰八分書建寧四年六月今在
曲阜縣其文有云拊馬者易明夷六二渙初六皆曰

用拯馬壯拯字子夏傳說字林並作拼音升一音承
上舉也漢時所傳皆如此而今作拯者唐開成以後
所定也又按方言拑拔也出休為拑休古溺字

金石文

記

孔彪碑陰

故吏司徒掾博陵安平崔烈字威考故吏齊博陵

闕

安

平崔恢字行孫故吏桑氏令博陵安平王沛字公豫故
吏司空掾博陵安國劉德字伯桓故令外黃令博陵安

國劉揚字子長故吏白馬尉博陵齊智字子周故吏五
官掾博陵安平劉麟字幼公故吏五官掾博陵安平王
瑤字顯祖故吏五官掾博陵安平孟循字敬節故吏五
官掾博陵高陽史應字子聲故吏五官掾博陵南深澤
程祺字伯友故吏五官掾博陵南深澤程祚字元祐故
吏五官掾博陵安國劉機字闕閣

漢孔彪碑陰故吏司徒掾博陵安平崔烈字威考等

十三人皆博陵人

復齋
碑錄

右孔彪碑陰故吏出博陵者凡十有三人故其額不稱後官而直書博陵洪氏以為故吏函甘棠之惠痛夏屋之傾相與立碑遂以本郡題其額也此或得之然予觀漢碑亦往往有書前官者又似不必拘此金石錄乃云不知何謂非也

金璫琳瑯

漢孔彪碑

在仙源縣

天下一碑錄

漢司農孔峽碑

在仙源縣墓前

天下碑錄

建寧元年兗州

金石略

闕里祖庭記孔林司空孔扶碑碑錄云司農孔峽碑

在仙源縣墓前農峽二字乃傳寫之訛

續錄

漢尚書郎河東太守孔宏碑

在仙源縣建寧元年立

天下碑錄

漢御史孔翊碑

在仙源縣墓前

天下碑錄

熹平元年立在冢前孔子十九世孫州舉孝廉拜御

史遷中牟洛陽令

闕里記

漢博士孔志碑

在仙源縣孔子墓東

天下碑錄

漢孔乘碑

君諱乘字敬山修嚴氏春秋在孔子墓林中

闕里記

孔君碣

右孔君碣在孔子墓林中其額題孔君之墓文已殘

闕其前云元年乙未而元年上闕二字按東漢自建武以後惟桓帝永壽元年歲次乙未其他有三乙未皆非元然則此碣所闕二字當為永壽也

金石錄

山陽太守祝睦碑

君諱睦字元德濟陰已氏人也其先蓋高丰氏之火正以能淳曜天地曰祝融遂獲豐阜之肱煇裔昌遠大乃侯伯分仕諸夏鄭有祝暉者君其胤也君膺廢懿量在約淵澹潛心耽學該洞七典探噴窮神無物不辯

州郡以孝貢察賓于王庭除北海長史潁川鄆令黨濟
以禮三載之後而民知讓有恥且恪君惟老氏名遂身
復色斯翻翔紆精衡門

闕

道闕事諮度辟空府北

軍中解拜大尚書尚書僕射喉舌納言翼皇正樞遷常
山相山陽大守齊和五品崇化以寬昭德塞違不訓其
仁抽拔隱伏

闕

賢式禮

闕

攸堪九功以著當享繁祿

為帝幹楨年六十有八延熹七年八月丁巳卒臨困紆
續遺令素櫬芟芟以席賻賵非禮當不得犯存無玩飾

亾導以儉所謂守終純固者已蓋銘功紀勛所以旌往
示來於是迺共登山鐫石刊勒鴻伐其辭曰

懿我君國之光履忠順闡道常升紫微平機衡統

闕

興律章撫二郡踰召黃恭儉已民用康紉頌興詠遺

闕

不稱馥垂令芳生見樂歿不忘名儼日億載揚

右漢故山陽太守祝君之碑篆額祝君名睦濟陰人
歷北海長史郾令北軍中候尚書尚書僕射常山相
山陽太守以威宗延熹七年卒碑云尊濟以禮有恥

且格與魯論不同殆亦借用

釋隸

嘯與頤同姜與翼同廢即恢字興與皆典字平即

丕字紆即紀字

上全

右漢祝睦碑云君諱睦字元其下遂缺減不能成文
惟其官壽年月可見云賓于王庭除北海長史潁川
郾令辟司空府北軍中候拜大尚書尚書僕射遷常
山相山陽太守年六十有八延熹七年八月丁巳卒
睦有二碑皆在今南京虞城縣此碑不見世次而隱

隱有云其先高辛爾其後碑則頗完故錄於次也

集古

錄

右漢隸不著書撰人名氏睦字元德濟陰已氏人桓帝時官至山陽太守碑以延熹七年立在南京虞城

縣

集古
目錄

山陽太守祝睦碑延熹七年八月立

金石
目錄

山陽太守祝睦後碑

故吏王堂等竊聞下有述上之功臣有敘君之德自昔

左前列莫不紀名於典

闕

者故孔子曰民

人登祝上天歆焉用永其世而豐其奉
秦屬欽熙孰不

咨賢伐作頌曰伊余

闕

祝君北自藥幸祝融苗胄承獲

禎慶光裔熾胤分仕六國張雄諸夏鄭有祝聃者君其

脩也昔祖仕湯湯治於梁洮顓自邕家于濟陰君斷讎

入學脩韓詩嚴氏春秋七典並立

闕

綜百家文豔彬或

淵然深識怕然執守躬潔冰雪泰然清皓漸心於道通

神達明無物不覽鄉黨遠邈朝廷便便踐跡州郡階究

右坐以孝察舉讚拜王庭除北海長史潁川鄧令化行如風民應如草三載考績名登明堂色斯舉矣履身衡門童冠翔集耽經樂術潛神默記與俗殊好辟司空府北軍中候擢拜尚書尚書僕射七政館鑄佐輔什樞功冠帝庭懿德連優遷常山相山陽太守協齊行律恢崇三樂追惟九思導闡泮宮附庸敎同溫化以禮帥由舊章摘隱取伏訓承賢良國無珠藏悉浴蘭湯壺林巨莢七子左京乘蕢遠遜竟界尼康休釐充闕功馨升揚當

享紫祚為漢棟梁年六十八寢疾不瘳延熹七年八月
丁巳卒臨絕統族垂誨素棺幣以葭發贈襚醊非禮
之常壹不得當輟無珍玩歿就以約所謂守忠啟予其
去也善蓋彰功表勛所以煥往輝來於是三丰禮闕乃
相與刊勒金石其辭曰

穆我君邦之陽資五就闡道綱陟泰微准樞衡稽列宿
覽四方德合軋翼應皇領二郡曜重光化流洽提幽昌
性天約元用長頌聲作謠令香功烈著遺枿芳存靚榮

淪弗忘稱彌輝玄爲常

右漢故山陽太守祝君碑頌篆額與前碑皆在應天府虞城縣祝君以延熹七年卒故吏王堂等三年禮闕相與刊此石則延熹之九年也其詞聲牙頗有難通者所云鄉黨逶逶亦與論語今文不同

碑以寮為寮以怕為泊斷即𪔐字𪔐即介字𪔐即

𪔐字館館即管轄字升即斗字統即續字

上全

右漢祝穆後碑其前碑不知所立人名字兩碑所載

官闕壽考年月悉同而此碑有立碑人名氏及睦世次
云故吏王堂等竊聞下有述上之功臣有敘君之德又
曰君兆自黎辛祝融苗胄鄭有祝聃君其膺也其餘文
字亦完可讀二銘皆以三言為文而後銘尤完云穆我
君邦之陽資五就闔道綱綱下滅下字表微準樞衡稽
列宿覽四方德合乾道應皇領二郡曜重光化流洽緄
幽昌性天約元用長頌聲作謠令香功烈著遺椒芳存覲
榮淪弗忘其後二句磨滅難詳故錄其成文以見其

雅質亦可佳也

集古錄

右漢隸不著書撰人名氏睦故吏王堂等所立其所

敘述與前碑同在南京虞城縣

集古錄

漢故山陽太守祝君碑頌篆額與前碑皆在虞城縣逆數而上十月無甲子趙德夫金石錄識于目錄之下云建寧二年六月然此碑其稍漫不可識者財十有四字其可識者三百十字而十月甲子又特全好無昏舛可信而不疑況是六月一日辛未亦無甲子唯建寧三年十

月乃正得甲子朔碑所謂其二年者元年之後二年也

集古後錄

車騎將軍馮緄碑

君諱緄字皇卿幽州君之元子也少耽學問習父業

闕

大杜弱尉詔除郎還更仕

闕

官掾功曹舉孝廉除右郎

闕

以德綏撫政化汴行到官四載功稱

顯著郡察廉吏州舉尤異遷掾為武陽令誅疾彊豪以
公去官部漢別駕治中從事辟司空府侍御史御史中

丞史皆使徐揚二州討賊范宐朱生徐鳳馬勉張嬰等
坐迫州郡進兵正法復辟司徒府廷尉左監正治書侍
御史廣漢屬國都尉隴西太守坐問吏辜不分去官以
羗駭動爲西府所裒侵家拜隴西太守上病辟同產弟
徵議郎復治書侍御史尚書遼東太守廷尉大常車騎
將軍南征五溪蠻夷黃加少高相法氏趙伯潘鴻等斬
首萬級沒溺以千數降者十萬人收逋賔布卅萬匹
不費官財挾旅還師臨當受封以謠言奏河內太守中

字匹

常侍左館弟坐遜位拜將作大匠河南尹復拜廷尉聚
荊州刺史李隗南陽太守成晉太原太守劉瓛不宜以
重論坐正法作左校後詔書特賈拜屯騎校尉優廷尉
奏中官子弟不宜興牧州郡獲過左右遜位永康元年
十二月亮一要金紫十二鋹艾七墨綬

將軍體清守約既來題墓遺令墳塋取藏刑而已不造
祠堂可謂履真者矣恐後人不能紀知官所更庶故刊
石表績以誌來世孝桓帝以命將軍討北疆夷有桓桓

烈開之姿曰誣爲桓

右漢故車騎將軍馮公之碑篆額今在渠州馮公名
緄巴郡宕渠人碑云字皇卿而本傳作鴻卿傳云舉
廉七遷爲都尉中丞持節督討揚賊守隴西遼東爲
京兆司隸廷尉大常車騎以長沙賊復作策免起爲
將作匠河南尹廷尉坐考殺單遷謫左校再爲屯騎
廷尉卒官其遷絀及物故先後與碑甚矛盾威宗以
命將武功定諡緄亦虎臣之一也亡適當其時故作

文者以帝謚書左方趙氏以為緄有此謚而史不載
誤也碑云一要金紫十二銀艾緄終於廷尉而以將
軍題碑者尊金紫也帝紀揚徐賊范容周生冠城邑
遣中丞馮赦督州郡兵討之以緄為赦紀之誤也許
曼傳云隴西守馮緄始拜郡開綬笥有兩赤蛇分南
北走曼筮之曰三歲後為邊將官有東名當東北行
三十里後五年為將軍南征延熹元年緄守遼東討
鮮卑至五年拜車騎擊武陵蠻却與碑合水經宕渠

不曹水下注潛水縣有馮緄及桂陽守李溫家二子之靈常以三月還鄉水暴長郡縣吏民莫不祭於水上謂之馮李此異聞也

釋隸

碑以疆為彊刑為形袞即表字瑩即堅字誣即謚

字漢史成晉劉琯作成璿劉質

全上

右車騎將軍馮緄碑以范曄後漢書考之史云字鴻卿而碑云皇卿史云初舉孝廉七遷至廣漢屬國都尉拜御史中丞順帝末持節揚州諸軍事與中郎將

滕撫擊破郡賊今據碑自舉孝廉至為廣漢屬國都尉凡十一遷而為中丞與督使徐揚二州討賊皆在為都尉前碑云討賊時坐追州縣正法而史不載又云為隴西太守坐問吏辜不公去官以羗駭動為四府所表復家拜隴西太守而史但言遷隴西太守耳史云為遼東太守徵拜京兆尹轉司隸校尉遷廷尉太常拜車騎將軍以碑考之鯤為遼東太守以前嘗復為治書侍御史遷尚書遂為廷尉未嘗拜京兆尹

及司隸也史云振旅還京師監軍使者張敞承宦者
旨奏緄會長沙賊復起攻桂陽武陵緄以軍還盜賊
復發策免而碑云臨當受封以謠言奏河內太守中
常侍左悺弟坐遜位史云復拜廷尉時山陽太守單
遷以罪繫獄緄考致其死遷故車騎將軍超之弟中
官相黨遂共誹章誣緄坐輸左校而碑云表荊州刺
史季隗南陽太守成晉漢史作緄太原太守劉瑱不宜以
重論坐正法作左校亦皆不合史又云為河南尹時

上言舊典中官弟子不得為牧人職帝不納拜屯騎校尉復為廷尉卒於官而碑云復廷尉奏中官子弟不宜典牧州郡獲過左右遜位永康元年薨亦當以碑為正又云緄諡為桓而史亦不載余嘗謂石刻當時所書其名字官爵不應差誤可信無疑至於善惡大節則當以史氏為據今此傳首尾顛倒錯謬如此然則史之所載是非褒貶失其實者多矣果可信耶

金石錄

在永睦縣紀薨於威帝之永康元年其文瞭然可讀

輿地
碑目

六藝之一錄卷四十二

欽定四庫全書

六藝之一錄卷四十三

錢唐倪濤撰

石刻文字十九

漢荊州刺史度尚碑

君諱尚字博平其先出自顓頊與楚同姓熊嚴之後

關

和之純貞秉黃中之匹性潛舍淵藪仁隆春煖義高秋

雲行絜冰霜忼慨壯瀉臨休

下關

休譽固已著矣及其興牧必招振賢才抽拔幽逸選召

所任極當世之秀士養民有

闕下

令聞彌崇暉光日新可謂盛德者已初奉歲計拜郎中

除上虞長交化潛洞百姓

闕下

數縣恩信並宣令行禁止以從父憂去官更舉孝廉為

右校令是時南蠻蠢動擢拜

闕下

醜殊俗實服遠人用綏封右鄉侯遷遼東太守旬月之

間歲貉寧輯會楊賊畔於

闕下

拜中郎將殺敵制勝威謀合神持重優於營平深入則

輕冠軍附士渥於李廣御衆

闕下

同滋味必達井辨幕然後飲舍惠以厚下說以犯難是

故所征輒勉師徒無頓

闕下

寇殄殪干戈載戢走馬以糞輒貪厥重復拜荊州刺史

以故秩居冊書尉薦因賜

闕下

之荆域號慕雖周人之思召伯弗此踰也於是故吏感

清廟之頌歎祈父之詩乃

闕下

曰於惟我侯允懿允明文武是該有忠有貞粵初發藻

在彼上虞邁種厥德

下闕

矣匪據是榮無言不難帝揚厥聲俾作配

闕

往撫于荆

撫荆惟何南夏是

下闕

邦家亂

截字

彼海外續莫匪嘉天生我侯實為民望心乎

其愛四方是印如何不永

下闕

而不朽芳烈遺子

永康元年歲在鶡尾龍集丁未時惟

闕

歲

下闕

右漢故荊州刺史度侯之碑篆額威宗永康元年立

度君名尚山陽湖陸人漢書本傳尚自郎中為上虞
長文安令長沙賊起荊州刺史劉度敗走詔公卿舉
代者尚書朱穆舉尚自右校令為荊州刺史寇定封
右鄉侯遷桂陽太守明年召還荆兵復亂以尚為中
郎將討平之復為荊州刺史坐誣奏張磐諸廷尉對
以先有功得原後為遼東太守年五十延熹九年卒
傳載其事甚詳此碑既以荆牧題其首又不見宰文
安守桂陽及初拜荊州事其守遼東又先後不同蓋

此碑石下一段殘闕事有遺失上虞之下既有闕文而後云數縣令行禁止必其間嘗治文安也右校之下載南蠻蠢動而擢拜下闕文其後云復為荊州刺史則知拜字之下乃初拜荊州也荊域號慕如思召伯之上闕文恐是守遼東事但封侯之後碑云守遼東而傳作桂陽二說不同羣賊十年逋誅最後深藏桂陽山谷間尚多設方略始能翦除恐或就守其壤不可得而辨也碑中不見度君所終歲月末有題字

一行云永康元年丁未蓋是記立碑之歲即延熹九年之次年也尚自荆牧坐累起家作守故碑以荊州題之此碑在湖陵荒野政和壬辰巡檢王當世見之始遷於官解其後邑令滕君欲徙碑於沛舟三載而三覆繼因大水漲沒不出乙未年劉宗儀攝事乃能立之使星亭云

隸釋

碑以漻為優替即智字穀即料字宮即克字祿即祿字夏即夏字續即續字

同上

右度尚碑其首題曰漢故荊州刺史度侯之碑碑云

其先出自顓頊與楚同姓熊

下闕一字

之後又曰統國法

度其下殘闕不可辨按元和姓纂度姓但云古掌度

之官因以命氏不言其與楚同姓也又范曄後漢書

列傳度尚自右校令擢為荊州刺史破長沙零陵賊

以功封右鄉侯遷桂陽太守徵還京師以中郎將破

賊胡蘭等後為荊州刺史後為遼東太守卒於官今

以碑考之云封右鄉侯遷遼東太守拜右中郎將復

拜荊州刺史以故秩名蓋尚未嘗為桂陽太守而曰
卒於遼東者皆史之誤余每得前代名臣碑板以校
史傳其官閼歲月少有同者以此知石刻為可寶也

金石
錄

右漢荊州刺史度尚碑尚後漢書有傳碑在今徐州
州治蓋成化間吾鄉顧君崇善以工部郎中管理河
道見其淪於湖陵城闌出之遂置於此按鄴道元水
經注云湖陵城東有度尚碑則自漢至晉自晉至今

而此碑未嘗徙也又隸釋云政和中巡檢王當世見其在湖陵荒野遷之官廨後邑令滕君欲徙碑於沛舟載而覆沉沒不出又其後劉宗儀攝令乃立之於使星亭然不知此碑何年復淪入水中今惟存其首云漢荊州刺史度侯之碑九字其餘文字悉皆漫滅特頑然片石而已蓋開水撞激日久其字之不存宜

也

金殫
琳瑯

太尉楊震碑

闕

字伯起

闕

氏為聖漢龍興楊憲佐命克項於

闕

錫

闕

公侯之胄必復其始是以神祇降祉乃生于公實
履忠貞恂美且仁博學甄徹靡道不該又明尚書歐陽
河洛緯度窮神知變與聖同符鴻漸衡門羣英雲集成
共飲酌其流者有踰三千至德通洞天爵不應貽我三
魚以章懿德遠近由是知為亦世繼明而出者矣州郡
虛已競以禮招大將軍辟舉茂才除襄城令遷荊州刺

史東萊涿郡太守所在先陽春以帑化後秋霜以宣威
寬猛唯中五教時序功洽三邦聞于帝京徵旋本朝歷
太僕太常遂究司徒太尉立朝正色恪勤竭忠無德不
旌靡惡不刑將訓品物以濟大清而青蠅嫉正醜直實
繁橫共構譖慷慨暴薨于時羣后卿士凡百黎萌靡不
歔歔垂涕悼其為忠獲罪乾臨孔昭神鳥送葬王室感
悟姦佞伏辜公功乃伸追錄元勲蒲書慰勞賻贈有加
除二子郎中長子牧富波侯相次讓趙常山相次秉實

能纘修復登上司陪陵京師次奉黃門侍郎牧子統金城太守沛相讓子著高陽令皆以宰府為官奉遵先訓易世不替天鍾嘉祚永世罔極統之門人汝南陳熾等緣在三義一頌有清廟故敢慕奚斯之追述樹元石于墳道其辭曰

穆穆楊公命世而生乃台吐耀乃鬱降精明明天子實公是匡冥冥六合實公是光霽霽其直皦皦其清懿矣盛德萬世垂榮勒勲金石日月同炯

右漢故太尉楊公神道碑銘篆額楊公名震洪農華陰人安帝時為司徒垂四載為太尉閱半載以延光三年卒楊氏墓在陝州閿鄉所存隸碑凡四此碑乃其孫沛相統之門人汝南陳熾等所立碑中載楊秉陪陵則威宗延熹八年事也沛相以靈帝建寧元年卒此碑蓋建寧以後所刻者去楊公物故時已四十餘年矣碑載其諸子官秩凡四人而傳云震五子誤也今之門下士旦握權則獻諛飾詐靡所不至夕失

勢則相忘於江湖矣沛君已死而門人爲其祠廟立碑漢人風義後世不可跂及奚斯所作蓋謂作廟此及張納費汎碑皆誤用碑以黎爲黎

釋

右漢楊震碑首題云漢故太尉楊公神道碑銘文字殘缺首尾不完其可見而僅成文者云聖漢龍興神祇降祉乃生於公又云窮神知變與聖同符鴻漸衡門羣英雲集又云貽我三魚以章懿德又云大將軍辟舉茂材除襄城令遷荊州刺史東萊涿郡太守又

云司徒太尉立朝正色恪勤竭忠其餘字存者多而

不復成文矣

集古錄

右隸書不著書撰人名氏其前不完碑首題曰漢太尉楊公神道碑銘震安帝時位至太尉碑在陝府閿

鄉縣

集古錄

書太尉楊震碑并陰云漢既衰敝士俗流於容說俗儒不知名義所處震於此時拔然自振流俗間以直節峻行激發汙濁天下矯首向風知名節為重持祿

保寵有願死而不忍為者孔子曰志士仁人無求生以害仁當震之發大難奮大義直指利害吾知震之死者非不幸也觀其門生故吏可謂衆矣而高舒楊倫輩方且率天下而禍仁義以抗言為直以犯難為義以殺身為仁至摩礪激訐以進斷者為得事君之道其觸機投弇以陷患害相趣而不顧卒成黨禍而漢以亡夫為名節者本以成身吾見其身之禍求以治國家而國家卒以亡矣蓋行仁義而不知其道者

也

廣川書跋

太尉楊震碑并碑陰題名華州

金石略

楊震碑陰

河東孫定博河東唯彥淵河東刀仲凱汝南張伯玉河
間劉公顯河間賈伯錡河間劉子顯博陵劉顯祖中山
劉文章彭城間公莊成中山石元密山陽趙敬德山陽
趙輔邦山陽隋子則魏郡邢升高魏郡劉揚先河南楊
中和洪農輔子文彭城劉德祖沛國朱彥祖沛國朱季

優沛國兒伯玉

闕

儀公

闕

中山張升舉

平原翟伯真勃海高文歆甘陵傅君璋河南張真明魯
國朱登高汝南尹仲宗汝南周升舉汝南陳世則汝南
端滿公彭城虞泰伯河東馮德時涿郡張子岐陳留董
公憲河內樊公琦河內張世輔河內張子威河內涅君
興漢陽張孟考東郡劉季義魏郡岐伯犀

闕

汝南

闕

憲長汝南袁子曾汝南張文靈勃海黃仲博勃

海楊伯耳

牙

勃海吳仲犀勃海公王子舉河南馬子才

河南閔通遠河南趙公軼南陽衛彥公南陽程輔時南陽董仲謫潁川史季濟河東楊仲夏河東上官仲祖河東杜輔漢河東張通國河東馬國興河東陳彥光河東姚德卿河東陽成惠明廣漢楊茂遂常山

闕

常馬

適

闕

太原吳瑋高北海齊安祖太原劉文高中山張仲

妙中山孫仲成中山劉瑋起中山齊叔謙扶風郭子仁扶風馬伯超魏郡信成君嚴魏郡孫子臺魏郡石珪興魏郡郭子睢魏郡郭子尚馮翊賈仲謙馮翊孫元鳳馮

翊孫升國馮翊劉彥長馮翊楊季明馮翊趙子惠馮翊

虔建侯馮翊蘓文夏京兆田元矩

闕

京兆左

元臺太原杜叔茂太原韓孝達梁國富公輔梁國劉伯

怡山陽李仲聲南陽王文徽甘陵張伯寶甘陵董季

闕

甘陵趙公

闕

甘陵宋勇

闕

甘陵韓漢

闕

甘陵馬公

闕

甘

陵田亢

闕

甘陵王仲

闕

鉅鹿游望

闕

鉅鹿趙仲茂鉅鹿

三川宣

闕

陳留田季舉陳留王升臺東郡雄君舉東郡

高伯德東郡樊世舉河東任升明

闕

馮翊

闕

山陽苗元阼洪農薄君明魏郡張世則汝南張季

闕汝南

闕宣則南陽

闕

孔伯勃海宋王胥勃海吳公士

南陽楊仲寧魏郡李子承馮翊張子則河南南宮進明

京兆袁子方河東

闕

文伉馮翊救辯卿勃海刑公節勃

海孫叔

闕

勃海李公山勃海綦母仲魏勃海吳子謙勃

海邢伯德勃海石季博安平

闕

漢賢

闕

博

闕

右文寵甘陵閻季臺甘陵公孫世博甘陵宮君威甘陵

傅子觀魏郡郭子堅魏郡馮伯海魏郡劉仲顯魏郡王

伯密魏郡焦仲違涿郡古師子操汝南井甯博汝南尹
仲恭汝南薛景賓汝南區德榮汝南季文度汝南孫子
斌汝南費卓成汝南何輔興汝南謝季升南陽衛伯光
南陽真仲忽南陽真孝祖河南魯妙才濟陰

闕

鉅

鹿宋文臺太原王子庶魏郡李升山勃海紀維秀魏郡
劉子祐魏郡劉建昌馮翊項文幾河東董子翼汝南

闕

仲祖汝南鄭孝慈汝南張季方汝南文伯思勃海王顯
臺南陽左孝伯甘陵韓仲昭魏郡尹君房魏郡沐季興

潁川解子則潁川王仲方潁川燕仲智潁川虞公彥潁

川劉伯瑜博陵季李臺博陵李輔政

闕

鉅鹿

魯子仁河間李伯浮河間趙季臺河間劉德和平原陶
仝輔漢平原劉子忠安平吳顯博安平嚴子夏陳留耿
子高南陽陳子才

右楊震碑陰可識者百九十餘人皆其孫之門生也
歲月相距又遠故不名漢碑刑形邢三字多互用此
碑有刑升高刑公節疑若借用作邢却又邢伯德

豈刑自一姓乎

隸釋

陸卽師字省卽胥字

同上

後漢楊震碑陰題名者二百九十人其餘磨滅不完者又十餘人余家所錄漢碑陰題名頗多或稱故吏門生弟子或稱從事曹掾之類其人皆著州縣邑里名字甚詳獨此碑所書簡略直云河間賈伯錡博陵劉顯祖之類凡百九十人者皆然疑其所書皆是字爾蓋後漢時人見於史傳者未嘗有名兩字者也漢

隸世所難得幸而在者多殘滅不完獨此碑刻畫完

具而隸法尤精妙甚可喜也

集古錄

沛相楊統碑

君諱

闕

富波君之

闕

子也

闕

天

闕

性少有令聞敦

闕

孝吕勅内

闕

名行吕脩外紹

闕

烈

隆構厥基既仕州郡會孝順帝

闕

西巡吕掾史召見帝

嘉其忠臣之苗器其璵璠之質詔拜郎中遷常山長史

換捷為府丞君雖詘而就之吕順時政非其好也廼翻

然輕舉臯司累辟應弓司徒州察茂才遷銅陽侯相金城太守德呂化折民威呂懷殊俗慕義者不肅而成帥服者變袵而屬疆易不爭障塞無事功顯不伐委而復為直南蠻蠢迪忝師出征呂君文武備兼廟勝先戰拜車騎將軍從事軍還策勲復以疾辭後迪徵拜議郎五官中郎將沛相天吏之治副當神人秩禮之選舉不踰賢故望大和則俟生毓晞嚴霜則畏辜戮欣悅踈慄寬猛必衷遭貴戚專權不稱請求考績不論徵遠議官年

五十六建寧元年三月癸丑遘疾而卒朝廷愍惜百僚

歎傷

闕

民假爾莫不隕涕故吏戴條等追在三之分感

秦人之哀顯從贖其無由庶考斯之頌儀通鐫石立碑
勅銘鴻烈光于億載俾永不滅其辭曰

明明楊君懿鑠其德其德伊何言忠官力勤止厥身帥
闕

靡革暮茲英猶道呂經國班化黎元既清且寧武稜

攜威文懷假寘遠人斯服休亦充庭剛果彼得呂和呂
平勲速藐矣莫與爭光甘棠遺愛東征企皇念彼恭人

怒馬永傷立言不朽先民所戒載名金石貽芳无疆

右漢故沛相楊君之碑篆額碑缺不知其名髭髻有
富波君字按楊震碑云長子牧富波侯相牧子統金
城太守沛相則知此為楊統碑也順帝以其忠臣之
苗特召為郎歷常山長史掾為府丞鮦陽侯相金城
太守車騎將軍從事議郎五官中郎將沛相以靈帝
建寧元年卒故吏戴條等共立此碑其從昆弟高陽
令著碑陰題名所云沛君者即統也此碑辭翰俱妙

以百寮作百遼以遐邇作假爾 震子孫名見于史

者數人富波相及其孫衛尉奇皆在焉統居其中而

不見錄亦史策之闕遺也

隸釋

璵即璵字績即績字顥即願字官即克字威即貳

字速即迹字

上同

右漢沛相楊君碑在閬鄉楊震墓側碑首尾不完失
其名字按後漢書震及中子秉秉子賜賜子彪皆有
傳又云震長子牧富波相牧孫奇侍中奇子亮陽城

亭侯又云少子奉奉子敷敷子衆務亭侯又有彪子脩楊氏子孫載於史傳者止此爾不知沛相為何人也碑云孝順皇帝西巡以掾史召見拜郎中遷常山長史換犍為府丞宰司累辟應於司徒州察茂才遷鮑陽侯相後拜議郎五官中郎將沛相年五十六建寧元年六月癸丑遘疾而卒其終始尚可見而惜其

名字亡矣

集古錄

右不著書撰人名氏楊君震之後也孝順帝時以掾

史名拜郎中累遷沛相建寧中卒碑為隸字首尾不

完失其名字矣碑在閩鄉震墓側

集古錄目

右沛相楊君碑歐陽公集古錄云碑首尾不完失其

名字余按楊震碑沛相名統震長子富波侯相牧之

子也

金石錄

沛相楊君碑建寧三年立有碑陰

金石略

城太守楊統碑在

華州者即是此碑誤分為二也

楊統碑陰

故

闕

郎中令

闕

戴

闕

字叔

闕

故吏懷陵圉令相蔣

禧字武仲故吏宜祿長蕭劉瑞字仲祐故吏孝廉杼秋

劉旭字子明故吏大官目

甘字

承譙曹臻字建國故辭曹

史鄆公孫銀字山根故門下書佐豐韓純字子敬故門

下書佐豐畢珮字廣世故門下書佐鄆孟縱字河洛故

決曹書佐鄆公孫暘字元暘故吏贊陳俊字仲顯故吏

蘄夏陽字儀公故吏蘄兒銀字伯玉故吏杼秋劉順字

予選故吏沛周儀字帛民

右楊統碑陰凡十五人不稱郡皆沛人也贊即鄴蓋是借用前史已嘗書倪寬為兒此有兒銀乃知兩京

之所通用

隸釋

楊氏世葬閬鄉墓皆有碑今存者四余集錄皆得之太尉沛相高陽繁陽令也此碑陰不知為何人碑文字殘缺其僅存者十五人又滅其一其在者十四人

集古錄

繁陽令楊君碑

上闕二
十九字

弟富波君之少子也生姿令詰長履忠孝立仁
行道實體彌隆世授尚書為國師傳君述而好古少傳
祖業魚苞載藉靡不周覽英儒仰則景附其高應禮州
郡仍奉貢觀察類假爾僉服歸稱大駕省方為郡功曹
召見專對聲壓帝心擢拜郎中除右都侯閑整宮衛闡
閭肅焉遷繁陽令崇德尚儉旨興政化和毓威恩旨移
風俗樹無姦回宿不命閑教學吏士精橫侍者常百餘
人咸訓典誨帥導旨鄰遠歸懷爰集疆場州郡嘉異並

上絕逋大司農劉佑牘復表劉將有命授會叔父大尉
公薨委祭輕舉投駮如遺吏民攀轅老弱輟輪追慕跋
涉蓋二千餘人續留守闕上書歷年運穀萬斛助官振
貧乞還君自非慈愛孰能若茲有司聳昧莫能識察
君潔己自任不愉補求趨功顯弗有役入亏林處靖衡
門童冠如雲故乃名問俞高休聲益著三府競辟五入
宰朝常登茂御復紹祖烈旻穹不惠年五十一熹平三
年三月己丑卒國失其良民望永絕京夏凡百靡不愍

悼故吏臣隸叫天訴陞嗟乎何及哀矣惟傷感惟既歿
德之隆者莫盛不朽迺共追錫厥勲鐫石示後俾延儒
軫訾不賢際其辭曰

惟鬱降靈於我明君膺天鍾慶誕德孔醇溫恭博敏貞
敏貌倫帝嘉忠懿乃詔寵光俾候禁宮夙夜是勤命出
作宰清風穆神委茂成勲赴義長逝民思遺愛奔告丐
忝頌不審真莫肯慰揚俸徒樂志縉紳仰從三公並招
當為國暉壽不闕

早葉隕林朋徒潺湲士女愴悲顙

百其身皇不我予銘頌元石

下闕

右漢故繁陽令楊君之碑銘篆額逸其名楊君者太尉震之孫富波相牧之子太尉秉之猶子沛相統之親昆弟高陽令著之從昆弟也自郎中除右都侯遷繁陽令以熹帝熹平三年卒漢公卿二千石父母之喪不得奔赴荀爽對策詳矣度尚及楊君皆以慕喪去官可見漢代位高而創鉅者反奪情廢禮也守令有美政百姓愛之如父母攀車截鐙不忍其去者固

有之楊君之行老弱跋涉其衆至於二千餘人守闕
上書其久至於歷年繁陽在河之北去漢京七百餘
里運穀助官乞還令君其多至於萬斛此事則未之
前聞史氏固羅脫略至後世不得其名惜哉今之俗
或投匭以借留或列陳於外臺蓋有欺而不實者此
之輸粟萬斛則其出於誠心也作碑者再三歎惋斯
事其文云有司聳昧莫能識察

說文云生而聳曰聳

其詩又云

頗不審真莫肯慰揚嗚呼政令委靡淑慝無所甄別

在位者情憤如聾瞽熹平之間不特此一事也

隸釋

碑以假爾作遐邇恒作特駁作紱俞作愈軫作齡
声即克字連即迹字契即潔字後即退字墜即地

字適即乃字墜即墜字

同上

右漢繁陽令楊君碑首尾不完文字磨滅可識者四
百三十字不可識者六十一字碑云君遭叔父太尉
薨妾榮輕舉吏民攀轅守闕上書運穀萬斛助官賑
貧以贖君還又云君富波君之子按漢書楊震子牧

為富波相君乃牧子也叔父太尉者秉也出米乞令

前世所無惜其名字磨滅不可見矣

集古錄

右漢隸不著書撰人名氏殘缺不完不見其名字其
可見者曰富波君之小子據楊震碑考之富波侯相

名牧震之子也碑在陝府閿鄉

集古錄目

繁陽令碑陰

故功曹史

下闕

故功曹史成功豫伯舉故功曹史王月伯

師故功曹史

闕

元祐故功曹史王俊叔嚴處士功曹王

休李盛處士功曹申璆勞厚處士功曹公乘儀元表處

士功曹王

闕

伯尹故民張掖李助故民王詳子琦故民張

順顯臺故民張商伯瑋故功曹史張叡孔明故功曹史

王備仲載故功曹史王升志賢故功曹史魏希立興故

功曹史董尚叔海故功曹史成功

闕

珪處士功曹

闕

譽顯甫處士功曹程琦叔

闕

處士功曹馮

闕

子珪故功

曹史

下闕

故功曹史魏

闕

故功曹史樊曜子珪故功

曹史程

闕

伯盛故功曹史王祊伯載故民朗陵長沮子

輔故吏成功

闕

秀厚故主簿張合元考故功曹史董翊

元政故功曹史良堅子石故吏杜茂彥才故吏韓冰君

政故功曹史馮億仲載故吏馮玓敬祖故吏馮烈元軌

故吏

闕

義仲盛故吏王宮子行故功曹史劉璜子雲故

功曹史樊充國榮故功曹史張琰子瑤故吏滕屠琰季

嚴處士功曹

闕

尹仲

闕

故民馮

闕

秀

闕

故民富宏

闕

祖

故吏申俊叔遂故吏張遂季祐故吏尹貴仲持故吏張

立仲德故吏李義元綱故吏張時子節故吏魯

闕

文長

故吏馮种元妙故門下史魏昱元夏故吏申貞子明故

吏申根叔德故吏申巨妙才故吏滕屠曜子節故吏成

功宜元助故吏常曜少賢故吏申徹世政故吏申甫伯

舉故吏申宏仲

闕

故吏申彤叔

闕

故吏王廉仲讓故吏

申穌仲訓故吏申真仲真故民段肅子恭故民樊興子

上故民吳方季遠至孝涅夔君威故吏宋連建興故吏

張讚多議故吏張烈仲考故吏張純子淑故民馮嘉叔

祉故民侯臨伯宏故民雲進仲進故吏段寅季馮故吏

邵騰文光故吏程觀叔表故吏本嚴伯俊故吏許貞元

表故吏關敏

闕

安故民周演少平故吏申曾伯德故吏

武與季整故

闕

君

闕

處本遼瓌德瑋處士張進子

明處士范諱子亮故民趙表元顯故民隗副參豪故民

隗愔子才故民劉影顯方故民張運季方故吏程勅伯

嚴故吏王褒景博故吏程周仲密故吏段術元藝故吏

馬盛盛明故吏成功連建賢處士黃虔子敬故吏鞠像

伯嚴故吏段官元顯故民杜忠文政故民李冰元固故

民王叔子助故民公乘柱漢舉故民

闕

伯觀故民段

兼元穎故吏薛誼升舉故吏焦武文伯故民薛恬仲爰

故民張隗子皇故吏駱盛進興故吏梁平子衡故民周

普子助故吏程瑋伯珪故民李兼元高故民武普伯讓

故民王僉子嚴故民王貞伯亮故民楊方子遠故民王

祥伯慎故門下史楊直子璜故門下佐公孫壽元壽故

門下佐路熾子盛故門下佐杜良伯信故門下佐鄧澄元

景故小史

闕

魯子衛故民

下闕

典作者馬子明

右繁陽令碑陰凡百三十有四人，不書郡邑皆繁陽之人也。嘗仕於異邦，惟一朗陵長亦稱故民者。桑梓之敬也。帝紀安帝、威宗、獻帝皆嘗詔公卿郡國舉至孝之士列傳荀爽、趙咨、崔寔皆嘗為九卿，本郡所舉。此有至孝沮蒨，蓋是此科。歐公論韓勅云：前世見於史傳，未有名勅者。此碑又有程勅，則漢代不獨一韓勅也。范史及韓碑所用勅字甚多，是時蓋上下通用。非若後世有鸞臺鳳閣之拘，雖勅本音徠，去聲然韓字

叔節程字伯嚴詳其義皆當讀與飭同非勞徠之徠

也

隸釋

右楊君碑陰題名凡一百三十一人有稱故吏者故
民者處士者故功曹史者故門下佐者類例不一似
當時人各隨意書之而文字磨滅僅可讀其姓名字
俱完可識者八十三人其餘或在或亡蓋後漢楊震
墓域中碑也楊氏墓在閬鄉有碑數廳皆漢世所立
余家集錄得其四震及沛相繁陽高陽令碑并得碑

陰題名然得時參錯不知為何碑之陰也其名氏可見者當時皆無所稱述顧其人亦不足考究第以漢隸真蹟金石所傳者至今類多磨滅可惜故錄之爾

治平元年三月晦日書

集古錄

高陽令楊著碑

之情窮七道之真闕綜書籍

闕賢仕郡歷五官掾功曹司隸從事仍辟太尉遷

定穎侯相特以儒學詔書勅留定經東觀順元公之指

蠲歷世之疑天子異焉擢樞議郎遷高陽令德以柔民
刑以威姦是以勅庶愛若冬日畏如蠶旻恩洽化帑未
舉有成順甫班寵方授銀符聞母氏疾病孝烝內發醪
滎投散步出城寺衣不暇帶車不俟駕載馳闕躬親

嘗禱追遯曾參繼迹樂正百行之主於斯為盛復辟司

徒舉治劇捧思善侯相遭從兄沛相憂篤義忘寵飄然

輕舉位淹名顯敷聞于下宜幹帝室佐國輔臣上天不

惠不我愁懋遺年五十有三

闕

年十月廿八日壬

寅卒凡百隕涕縉紳推傷門徒小子喪茲師范悲將焉
告叩叫穹倉感三成之義惟銘勒之制皆所以紀盛德
傳無窮者也若茲不刊後哲曷聞故樹斯石以昭厥勲
其辭曰

元乾鐘德于我楊君其德伊何如玉如瑩烝烝其孝恂
恂其仁躬尚節儉

闕

文綱紀

典謨

闕四
字

右漢故高陽令楊君之碑篆額楊君名著太尉震之

孫常山相讓之子碑缺其名得之于震碑仕歷司隸從事議郎高陽令思善侯相年五十三而卒石損亡其年漢之王國相則秩二千石侯國相纔與令長等耳思善者汝南之小國碑首題以高陽者叢爾國不若壯哉縣也楊震碑亦稱著為高陽爾晉宣溫薦譙秀表云敦在三之節李善引國語樂共子之言曰人生於三事之如一謂父生之君食之師教之也漢代銘誌類皆門人所立故用此語者頗多逢盛碑云感

激三成一列同義楊震碑云緣在三義一楊統碑云
追在三之分此碑云感三成之義三楊碑皆用之同
出晉語也詩以圻父作祈父此云願甫盖又借用

釋隸

碑以末基為末基醪榮為釋榮投散為投紱師範
為師範穹倉為穹蒼採即拜字龜即秋字逡即蹤

字同
上

右高陽令楊君碑首尾不完而文字尚可識云司隸
從事定潁侯相最後為善侯相善上一字磨滅不可

識蓋其中間嘗為高陽令而碑首不書最後官者不詳其義也按楊震碑高陽令著震孫也今碑在震墓

側

集古錄

右漢隸不著書撰人名氏首尾不完不見名字據碑嘗為高陽令最後為善

上一字闕

侯相而碑額但曰高陽

令楊君碑據楊震碑高陽令名著震孫也碑在陝府

閔鄉

集古錄目

楊著碑陰

關

孫甫

關

鉅鹿時稚明魏郡公孫世陽魏郡關聶並明

魏郡申

關

魏郡吳

關

中山張季興彭城丁季珍五

東郡楊卓成

關

秋河東

關

子河河東李順英中

山李景持博陵信都晏

關

和南陽李長龍南陽呂武康

關

千

關

河東杜仲異河東李子

嚴五博陵王仲臺五博陵

關

公義河內馬仲思魏郡李

孟賢

關

許元賓平原孫伯仁右後公門生

關

汝南陳

萬昌汝南尹仲恭勃海高文敷勃海孫叔直河東孫定

博彭城閭丘世成彭城劉德祖涿郡張子奇馮翊上官
孝蘭馮翊于元歷魯國朱登高北海齊安祖東郡劉季

義河間

闕

河間劉子顯

右四人五百

右沛君門生

河東常仲嘗河東任敷河河東相里文調河東枝彥光

河東侯子宣

右人五百

河東楊公博河東賞威立河東盧文式河東盧叔達河

東盧子辯河東

闕

文和河東常文則河東楊景鴻河東

常德寅會稽李子義唐漢古世宏魏郡扈子明

闕

右三人沛君坐

右楊著碑陰其間有沛君門生者沛相統也後公門
生者太尉秉也楊震拜于前故以秉為後沛君者著
之從兄後公者著之季父後公之薨其猶子繁陽君
委榮而投紱高陽君以沛相之喪亦棄官而歸一門

孝義如此宜其門人事之如一伐石立表無彼此之

分非皆著之門生也故不名

隸釋

右不著書人名氏碑首尾不完今可見者四十餘人
各有所出錢數楊氏數世皆葬閬鄉此碑有後公門
生者又有稱沛君門生者不知何人碑陰也後公義

不可知沛君所謂沛相者也碑在陝府閬鄉

集古錄目

右高陽令楊君碑陰歐陽公集古錄云余家集錄得
楊震墓域中漢碑四震及沛相繁陽高陽令碑并得

碑陰題名然得時參錯不知為何碑之陰也集古所
有余盡得之又各以碑陰附于碑後其曰懷陵園令
蔣禧字武仲者沛相碑陰也其曰故吏故民故功曹
史故門下佐者繁陽令碑陰也其曰右後公門生右
沛君門生者高陽令碑陰也

金石錄

冀州從事張表碑

君諱表字元異系帝高辛爰暨后稷張仲孝友雅藝攸
載天挺留侯應期佐治與漢龍興誕發神謀君其胤也

懿烈純德繼踵相承于來我君亦邦之雄蕙才伯知高
朗令蜩該覽羣緯靡不究窮初仕郡為督郵擢靈擊
威德日隆糾別荷忒抵拂頑詢屬城祇肅千里折中入
為主簿含謨吐忠委蛇公門謇謇匪躬將美匡醜對颺
休光歷五官掾功曹山立時行貢真紕偽遏漸防萌后
臧其勛俾守犂陽正身帥下神化變通方伯銜職嘉君
義剛旌命胤任比國用寧遂播芳譽有馥其馨當陟台
階注紀王庭賴槩未合實命不同度時否泰盤桓利貞

闕歸斯服舍之則歲後脩陶父怡志岳陽恬靜湛泊匪
皇時榮春秋六十四以建寧元年三月癸巳寢疾而終
其年十有一月丙寅克葬僉以為洪德宜演述儒載彌
以新功烈不讚紀後來無所聞於是刊石勒銘以示後
昆其辭曰

於穆君兮煥流芳闡洪軌兮休烈彰令德攸兮宣重光
仕郡州兮廸民康宜圭臣兮為棟梁旻不淑兮降淪霜
凋芝華兮殲彥良伊喆人兮壽不將世雖短兮名悠長

位雖少兮功悠揚伐松柏兮構斯堂鏤金石兮冀不忘
萬子孫兮永承嘗

右故冀州從事張君之碑篆額在冀州張君名表靈
帝建寧元年卒此碑皆作四言韻語其末四句又五
言云洪德宜演述億載彌以新功烈不讚紀後來無
所聞與費鳳碑文體相類碑云張仲孝友雅藝攸載
者指詩為雅藝也后臧其勛俾守犂陽者帝美其功
使官於冀也犂陽讀為黎陽歐陽公謂鷹撮盧擊是

以狗喻人擊上一字石損其半予初刻此碑失於深
考徐而察之乃鷹撮霆擊非盧擊也郭仲奇為司隸
從事碑云鷹侍雷擊意與此同

隸釋

碑以荷為苛詢為訇蝸即融字忒即忒字後即退

字攸即脩字億即億字

同上

右漢冀州從事張表碑云君諱表字元異其碑首題
云漢故冀州從事張君碑而文為韻語叙其官闕不
甚詳但云春秋六十四以建寧元年三月癸巳寢疾

而終其辭有云仕郡為督郵鷹撮盧擊是以狗喻人也又有畔桓利貞之語蓋漢人猶質不嫌取類於鷹犬畔桓疑是盤桓漢時文字簡少假借爾

集古錄

右漢隸不著書撰人名氏表字元異嘗為冀州從事後去官不仕而終碑以建寧中立在冀州

集古錄目

建寧元年十二月立

金石錄

碑云君諱表字元異系帝高辛爰暨后稷

云

春秋

六十四以建寧元年三月終其年十有一月丙寅葬

復齋
碑錄

建寧元年立諸道錄云在澶州府衙都廳上集古金

石隸釋云在冀州

漢隸
字原

竹邑侯相張壽碑

君諱壽字仲吾其先蓋晉大夫張老之裔廿載闕勲遵

帥紀律不忝厥緒為冠帶理義之宗君孝友恭懿明允

篤信敦悅經睢習父東光君業兼綜六藝博物多識略

涉傳記矯取其用股肱州郡匡國達賢登善濟可登班

叙優能正躬帥陪臨疑獨照確然不撓有孤甫之風舉

孝廉除郎中給事謁者贊衛王臺婁

闕

忠謇上嘉其節

仍授命英匡其京輦昭德塞違內平外成舉無遺愆遷

竹邑侯相明德慎罰縣奉采土遭江楊劇賊上下

闕

征

役賦彌率萌于

闕

戈杼軸罄殫君下車崇尚儉節躬自

菲薄儲侍非法悉無所留并官相領省倉

闕

小府御史

朝無姦官堅無淫寇教民樹藝三農九穀稼穡滋殖國

無災祥歲聿豐穰皤白之老率其子弟以循仁義蚩賊

不起厲疾不行視事車載黔首樂化戶口增多國寧民
殷功刊王府將授輜帑對揚其勛功曹周憐前將放濫
君徹澄清憐顧愆悔過督郵周紘承會表問君常懷色
斯舍無宿儲遽用高逝老弱相攜攀援持車千人以上
沛相名君駱驛要請君捐祿收名固執不顧民無所叩
國違所賴上下同憾州郡聞知旌分禮招復為從事觀
覲虎視不折其節辟司徒府進退以禮舍弘內先頭
皓爾顙天不弔遘疾無瘳年八十建寧元年五月辛酉

卒嗚呼哀哉夫積循純固者為天人所鍾功假於民者

叙左銘典於

闕

俊

闕

訪諸儒林刊石樹碑式昭令徽其

辭曰

亮元德於我君膺清茂體懿純超三署垂令

闕

甄聲號

闕

憲臺矯王業苑紫微彈羣司清公

闕

緩薄賦牧邦畿

黎烝殿

闕

荒饑感良臣哀其靈竭輕舉

闕

來征民歎思

暨與人宰府命遂遠

闕

名振射

闕

彌聞垂令紀永不

刊弓骨德流後昆

右漢故竹邑侯相張君之碑隸額張君名壽以孝廉
為郎嘗相竹邑靈帝建寧元年卒張君治功曹周憐
之過反為督郵周紘所窘至於捐祿而歸此風古今
一也前史多以年為蠡海廟碑嘗借侔字

隸釋

右漢竹邑侯相張壽碑云君諱壽字仲吾其先晉大
夫張老盛德之裔孝友恭懿明允篤信博物多識獵
涉傳記臨疑獨照確然不撓有孔甫之風舉孝廉除
郎中給事謁者遷竹邑侯相年八十建寧元年五月

辛酉卒其大略可見者如此其餘殘缺或在或亡亦

班班可讀耳

集古錄

右漢隸不著書撰人名氏壽字仲吾官至竹邑侯相

碑以建寧元年立

集古錄目

建寧元年五月立

金石錄

在單州成武縣城內墓南

天下碑錄

竹邑侯相張壽碑八分書建寧元年五月今在城武

縣土人截為後人碑趺止存二百餘字

金石文記


堵陽長謁者劉君碑

建寧元年立

金石錄

建寧元年立子山字也其名疑是松字

漢隸字原



六藝之一錄卷四十三